

**REGIONAL NEWS UNIT
ALL INDIA RADIO, AGARTALA
Date: 07-11-2025
Time: 07:55-08:05 PM Hrs
BENGALI EVENING BULLETIN**

Headlines :

- (১) প্রধানমন্ত্রী নরেন্দ্র মোদী আজ "বন্দে মাতরম" সঙ্গীতের ১৫০ বর্ষপূর্তি উপলক্ষে বর্ষব্যাপী অনুষ্ঠানের উদ্বোধন করেন।
- (২) মুখ্যমন্ত্রী অধ্যাপক ডা: মানিক সাহা আজ বন্দে মাতরম গান রচনার ১৫০ বছর পূর্তি রাজ্যভিত্তিক অনুষ্ঠানের সূচনা করেন।
- (৩) রাজ্যপাল ইন্দ্রসেনা বেড্ডি নাল্লু বন্দেমাতরমের ১৫০ বছর পূর্তি উপলক্ষে আজ আমবাসা টাউন হলে ধলাই জেলা প্রশাসন আয়োজিত অনুষ্ঠানের সূচনা করেন।
- (৪) ছত্তিশগড়ে অনুষ্ঠিত অনূর্ধ্ব ১৪ বছরের জাতীয় সাবজুনিয়র ফুটবল প্রতিযোগিতার বালক বিভাগে ত্রিপুরা গ্রুপ চ্যাম্পিয়ন হয়ে সেমিফাইনালে উঠেছে।

150 years of Bande Mataram-PM :

প্রধানমন্ত্রী নরেন্দ্র মোদী আজ নতুনদিল্লিতে ইন্দিরা গান্ধী ইন্ডোর স্টেডিয়ামে "বন্দে মাতরম" সঙ্গীতের ১৫০ বর্ষপূর্তি উপলক্ষে বর্ষব্যাপী অনুষ্ঠানের উদ্বোধন করেন।

Vandemataram Song

প্রধানমন্ত্রী এই উপলক্ষে একটি স্মারক ডাকটিকিট এবং মুদ্রাও প্রকাশ করেছেন। তিনি "vandemataram150.in" পোর্টালটিও চালু করেছেন, যেখানে জনগণ বন্দেমাতরম গান গেয়ে ভিডিও আপলোড করতে পারবেন এবং সার্টিফিকেট পাবেন। প্রধানমন্ত্রী বলেন, বন্দে মাতরম একটি মন্ত্র, একটি শক্তি, একটি স্বপ্ন এবং একটি সংকল্প।

#####Byte-PM 1 #####

প্রধানমন্ত্রী আরও বলেন, বঙ্কিমচন্দ্র চট্টোপাধ্যায় এই গানের মাধ্যমে একটি স্বাধীন, ঐক্যবদ্ধ এবং সমৃদ্ধ ভারতের জন্য একটি স্পষ্ট আহ্বানের সূচনা করেন। তিনি বলেন, বন্দেমাতরম গান প্রতিটি যুগে প্রাসঙ্গিক।

#####Byte-PM 2 #####

150 years of Bande Mataram-President :

রাষ্ট্রপতি দ্রৌপদী মুর্মু আজ বন্দে মাতরমের ১৫০তম বার্ষিকী উপলক্ষে সামাজিক মাধ্যমে বলেছেন যে বঙ্কিমচন্দ্র চট্টোপাধ্যায় উনিশ শতকে সন্ন্যাসী বিদ্রোহের পটভূমিতে "বন্দে মাতরম" অমর গানটি রচনা করেছিলেন, যা ১৯০৫ সালের স্বদেশী আন্দোলনের সময় ব্রিটিশ রাজের বিরুদ্ধে অনুপ্রেরণার উৎস হয়ে ওঠে।

এ উপলক্ষে উপ-রাষ্ট্রপতি সিপি রাধাকৃষ্ণণ সামাজিক মাধ্যমে বন্দে মাতরমকে একটি কালজয়ী সঙ্গীত হিসেবে বর্ণনা করে বলেন এটি জাতীয়তাবাদের চেতনা জাগ্রত করেছে এবং প্রজন্মের পর প্রজন্মকে অনুপ্রাণিত করে চলেছে।

150 years of Vande Mataram-CM :

মুখ্যমন্ত্রী অধ্যাপক ডা: মানিক সাহা আজ আগরতলার সচিবালয় প্রাঙ্গণে বন্দে মাতরম গান রচনার ১৫০ বছর পূর্তি রাজ্যভিত্তিক অনুষ্ঠানের সূচনা করেন। অনুষ্ঠানে মুখ্যমন্ত্রী বলেন, বন্দেমাতরম শুধুমাত্র একটি সঙ্গীতই নয়, এটি আগামী প্রজন্মের মধ্যে দেশাত্মবোধের ভাবনা ও দেশপ্রেম জাগিয়ে তোলার এক অন্যতম মাধ্যম। আজ থেকে আগামী বছরের ৭ই নভেম্বর পর্যন্ত দেশজুড়ে চারটি পর্যায়ে বিভিন্ন কর্মসূচির মধ্য দিয়ে 'বন্দেমাতরম' গান রচনার ১৫০ বছর পূর্তি উদযাপনের উদ্যোগ নেওয়া হয়েছে।

অনুষ্ঠানের শুরুতে মুখ্যমন্ত্রী সহ অন্যান্য অতিথিগণ ভারতমাতার প্রতিকৃতিতে মাল্যদান করে শ্রদ্ধা নিবেদন করেন। এরপর এই গানের প্রেক্ষাপট নিয়ে একটি স্বল্প দৈর্ঘ্যের তথ্যচিত্র প্রদর্শিত হয়। অনুষ্ঠানে ১৫০ জন শিল্পী বন্দেমাতরম গানটি পরিবেশন করেন।

150 years of Bande Mataram–Governor :

রাজ্যপাল ইন্দ্রসেনা রেড্ডি নাল্লু বন্দেমাতরম গান রচনার ১৫০ বছর পূর্তি উপলক্ষে আজ আমবাসা টাউন হলে ধলাই জেলা প্রশাসন আয়োজিত অনুষ্ঠানের সূচনা করেন। তিনি ভারত মাতার প্রতিকৃতিতে পুষ্পার্ঘ্য অর্পণ করেন। অনুষ্ঠানে সমবেত কর্তে বন্দেমাতরম সংগীত গাওয়া হয়। উপস্থিত ছিলেন প্রাণিসম্পদ বিকাশ মন্ত্রী সুধাংশু দাস, ধলাই জিলা সভাধিনেত্রী সুস্মিতা দাস, বিধায়ক চিত্তরঞ্জন দেববর্মা, বিধায়িকা স্বপ্না দাস পাল প্রমুখ। অনুষ্ঠান শেষে রাজ্যপাল বন্দেমাতরম স্টলের উদ্বোধন করেন।

আমবাসা সার্কিট হাউসে এডিসি প্রশাসনের ধলাই জোনালের আধিকারিকদের সঙ্গে রাজ্যপাল একটি পর্যালোচনা বৈঠক করেন। এরপর তিনি কমলাছড়া ও হাদুকলুক পাড়ায় পুনর্বাসনপ্রাপ্ত রু উদ্বাস্তুদের সঙ্গে কথা বলেন ও তাদের বাড়িঘর, অঙ্গনওয়াড়ি কেন্দ্র, আয়ুস্থান মন্দিরও পরিদর্শন করেন।

150 years of Vande Mataram–Ratanlal Nath :

বন্দেমাতরম গান রচনায় ১৫০ বছর পূর্তি উপলক্ষ্যে আগরতলার মুক্তধারা অডিটোরিয়ামে পশ্চিম জেলাভিত্তিক অনুষ্ঠানের সূচনা করে বিদ্যুৎমন্ত্রী রতনলাল নাথ বলেন, দেশকে বিকশিত করতে হলে অতীত সম্পর্কে জ্ঞান অর্জন প্রয়োজন। উপস্থিত ছিলেন সাংসদ রাজীব ভট্টাচার্য, পশ্চিম ত্রিপুরা জিলা সভাধিপতি বিশ্বজিৎ শীল, পশ্চিম ত্রিপুরা জেলাশাসক ডাঃ বিশাল কুমার প্রমুখ।

150th Anniversary Vandematram–North :

ধৰ্মনগরের অধেন্দু ভট্টাচার্য স্মৃতিভাবে আযোজিত অনুষ্ঠানে বর্ষব্যাপী অনুষ্ঠানের সূচনা করেন শিল্প ও বাণিজ্য মন্ত্রী সান্তনা চাকমা। উপস্থিত ছিলেন বিধায়ক যাদব লাল নাথ, উত্তর ত্ৰিপুৰা জিলা পৰিষদের সভাধিনেত্রী অপৰ্ণা নাথ, ধৰ্মনগর পুর পৰিষদের চেয়ারপার্সন মিতালী রাণী দাস সেন প্রমুখ। অনুষ্ঠানে উপস্থিত সবাই বন্দেমাতরম গানে সুর মেলান।

150 years of Bande Mataram–Unakoti :

যুব বিষয়ক ও ক্রীড়ামন্ত্রী টিংকু রায় আজ কৈলাশহরের উনকোটি কলাক্ষেত্রে আযোজিত জেলাভিত্তিক অনুষ্ঠানের উদ্বোধন করে বলেন, বন্দেমাতরম স্তোত্র জাতীয় চেতনার প্রতীক। বক্তব্য রাখেন কৈলাশহর পুর পৰিষদের চেয়ারপার্সন চপলা রাণী দেবরায়, উনকোটি জেলার জেলা শাসক ডক্টর তমাল মজুমদার প্রমুখ। অনুষ্ঠানে এখানে বিভিন্ন বিদ্যালয়ের ১৫০ জন ছাত্র-ছাত্রী সমবেতভাবে বন্দেমাতরম গীত পরিবেশন করে।

Update Akashvani :

এখবর শুনছেন, আকাশবাণী আগরতলা কেন্দ্র থেকে।

Sound Byte

আকাশবাণীর সংবাদের আপডেট পেতে লগ ইন করুন – ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্লাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

CM-Killa :

মুখ্যমন্ত্রী অধ্যাপক ডা: মানিক সাহা বলেছেন জনজাতি এলাকার সার্বিক উন্নয়নে কেন্দ্র ও রাজ্য সরকার যৌথভাবে কাজ করছে। গোমতী জেলার কিল্লা দশরথ দেব মেমোরিয়াল ইংরেজি মাধ্যম মডেল হাইস্কুল মাঠে আজ জনজাতি মহিলাদের মধ্যে তাঁত বুননের সুতা বিতরণ অনুষ্ঠানে তিনি একথা বলেন। মুখ্যমন্ত্রী জনজাতিদের উন্নয়নে গৃহিত বিভিন্ন প্রকল্প বিস্তারিত উল্লেখ করেন। উপস্থিত ছিলেন জনজাতি কল্যাণ মন্ত্রী বিকাশ দেববর্মা, সাংসদ রাজীব ভট্টাচার্য, বিধায়ক রামপদ জমাতিয়া প্রমুখ।

November Biplab Diwas :

সিপিআইএম-এর উদ্যোগে আজ আগরতলার মেলারমাঠে নভেম্বর বিপ্লব দিবস উপলক্ষে এক অনুষ্ঠানের আয়োজন করা হয়। অনুষ্ঠানে বিরোধী দলনেতা জীতেন্দ্র চৌধুরী বলেন, মানুষের মৌলিক, অর্থনৈতিক এবং সামাজিক সমস্যা সমাধানের লক্ষ্যে গণতন্ত্রের ভিতকে আরো শক্তিশালী করতে হবে। অনুষ্ঠানে উপস্থিত ছিলেন প্রাক্তন মন্ত্রী মানিক দে, বিধায়ক রতন ভৌমিক প্রমুখ।

150 years of Bande Mataram-Airport :

এয়ারপোর্ট অথরিটি অফ ইন্ডিয়া'র পক্ষ থেকে আগরতলা এমবিবি বিমানবন্দরে আয়োজিত অনুষ্ঠানে বন্দেমাতরম সংগীত পরিবেশন করেন শিল্পী প্রসেনজিৎ মজুমদার। তার সঙ্গে সুর মেলান বিমানবন্দরের আধিকারিক, কর্মী এবং সি..আইএস.এফ জওয়ানরা। দিনটির তাৎপর্য ব্যাখ্যা করেন আগরতলা বিমানবন্দরের অধিকর্তা কে এম মেহেরা।

Vandemataram, Akashvani :

নতুনদিল্লির আকাশবাণী ভবনে আজ বন্দে মাতরমের ১৫০তম বার্ষিকী উদযাপন অনুষ্ঠানে সংবাদ বিভাগের অতিরিক্ত মহানির্দেশক ধীরাজ এম কাকাদিয়াও এই অনুষ্ঠানে যোগ দেন। এই উপলক্ষে নিউ ব্রডকাস্টিং হাউস প্রাঙ্গণে বেশ কয়েকজন শিল্পী একত্রিত হয়ে জাতীয় সঙ্গীত গেয়েছিলেন।

আকাশবাণী আগরতলা কেন্দ্রের কার্যক্রম বিভাগের প্রধান জয়শ্রী দেববর্মা এবং আকাশবাণী কৈলাশহর কেন্দ্রের অনুষ্ঠান বিভাগের ভারপ্রাপ্ত কার্যকরক প্রবাল ভট্টাচার্য ও কর্মী আধিকারিকরা বন্দেমাতরম সঙ্গীতে সুর মেলান।

150 years of Bande Mataram–Sepahijala :

বন্দেমাতরম সংগীতের ১৫০ বছর পূর্তি উপলক্ষে বিশ্রামগঞ্জের শচীন দেববর্মন স্মৃতি কলাক্ষেত্রে সিপাহীজলা জেলাভিত্তিক বর্ষব্যাপী এই কর্মসূচির সূচনা করেন পর্যটন দপ্তরের মন্ত্রী সুশান্ত চৌধুরী। উপস্থিত ছিলেন বিধায়ক অন্তরা সরকার দেব, জেলাশাসক ডক্টর সিদ্ধার্থ শিব জয়সওয়াল প্রমুখ।

150 years of Bande Mataram–South :

দক্ষিণ জেলা প্রশাসনের উদ্যোগে বিলোনিয়ার শচীন দেববর্মন অডিটোরিয়ামে আয়োজিত অনুষ্ঠানে উপস্থিত ছিলেন সমবায় মন্ত্রী শুক্লাচরণ নোয়াতিয়া, দক্ষিণ জিলা পরিষদের সভাপতি দীপক দত্ত, জেলাশাসক মহম্মদ সাজ্জাদ পি প্রমুখ। অনুষ্ঠানে অতিথিগণ ও বিভিন্ন স্কুলের শিক্ষক শিক্ষিকা, ছাত্রছাত্রীগণ বন্দেমাতরম সংগীতে সুর মেলান। শান্তিরবাজার পুর পরিষদের উদ্যোগে আয়োজিত অনুষ্ঠানে উপস্থিত ছিলেন বিধায়ক প্রমোদ রিয়াং, পুর পরিষদের চেয়ারপার্সন স্বপ্না মজুমদার বৈদ্য প্রমুখ।

150 years of Bande Mataram–BJP :

আগরতলায় প্রদেশ বিজেপি কার্যালয়ে আয়োজিত অনুষ্ঠানে বিজেপি নেতৃবৃন্দ, কর্মী বন্দেমাতরম সঙ্গীত পরিবেশন করেন। উপস্থিত ছিলেন প্রদেশ বিজেপি সহসভাপতি সুবল ভৌমিক, মুখপাত্র নবেন্দু ভট্টাচার্য প্রমুখ।

Book Fair :

ত্রিপুরা পাবলিশার্স গিল্ড ও এগিয়ে চল সংঘের যৌথ উদ্যোগে তিন দিনব্যাপী চতুর্থ বই উৎসব আজ আগরতলার এগিয়ে চলো সংঘ মাঠে শুরু হয়েছে। উদ্বোধন করেন উড়িষ্যা উচ্চ আদালতের অবসরপ্রাপ্ত প্রধান বিচারপতি শুভাশিস তলাপাত্র। উপস্থিত ছিলেন বিশিষ্ট লেখক বুদ্ধরায় দেববর্মা, গিল্ডের সভাপতি শুভব্রত দেব, এগিয়ে চল সংঘের সভাপতি চঞ্চল নন্দী।

150 years of Vande Mataram-khowai :

খোয়াই জেলা প্রশাসনের উদ্যোগে আজ খোয়াই দশরথ দেব মেমোরিয়াল কলেজের অডিটোরিয়ামে আয়োজিত অনুষ্ঠানে উপস্থিত ছিলেন বনমন্ত্রী অনিমেস দেববর্মা, জনজাতি কল্যাণ মন্ত্রী বিকাশ দেববর্মা, খোয়াই জেলার জেলাশাসক রজত পাণ্ডা, প্রমুখ। অনুষ্ঠানে বনমন্ত্রী বলেন, বর্তমান প্রজন্মের ছাত্রছাত্রীদের বন্দেমাতরম সংগীতের ইতিহাস সম্পর্কে জানানোর উপর গুরুত্ব আরোপ করেন।

National Football :

ছত্তিশগড়ে অনুষ্ঠিত অনূর্ধ্ব ১৪ বছরের জাতীয় সাবজুনিয়র ফুটবল প্রতিযোগিতার বালক বিভাগে ত্রিপুরা গ্রুপ চ্যাম্পিয়ন হয়ে সেমিফাইনালে উঠেছে। গ্রুপের দ্বিতীয় খেলায় আজ রামকৃষ্ণ আশ্রম মাঠে রাজ্যদল ৮-০ গোলের বিশাল ব্যবধানে আন্দামান ও নিকোবরকে হারিয়ে দেয়। রাজ্যদলের পক্ষে সান জমাতিয়া হ্যাটট্রিক করে। এছাড়া আকাশ রিয়াং দুটি

এবং মেসকারিয়ান রিয়াং, সায়ন দাস ও প্রদীপ পার্শি একটি করে গোল করে। সেমিফাইনালে রাজ্যদল খেলবে শক্তিশালী তামিলনাড়ুর বিরুদ্ধে।

Ranji Trophy :

ত্রিপুরা ও আসামের মধ্যে রঞ্জি ট্রফির চারদিনের খেলা আগামীকাল থেকে আগরতলায় শুরু হচ্ছে। এম বি বি স্টেডিয়ামে সকাল সাড়ে ৮টায় ম্যাচটি শুরু হবে। আজ উভয় দল বেশ কিছুটা সময় অনুশীলন করে। এর আগে তিনটি করে ম্যাচ খেলে ত্রিপুরা ৩ ও আসাম ২ পয়েন্ট সংগ্রহ করেছে।

Weather :

আগামীকাল আকাশ আংশিক মেঘাচ্ছন্ন থাকবে। সকালে হালকা কুয়াশা পড়ার সম্ভাবনা রয়েছে। আগামীকাল দিনের সর্বোচ্চ তাপমাত্রা ৩১ ডিগ্রি সেলসিয়াস এবং সর্বনিম্ন ২৩ ডিগ্রি সেলসিয়াসের কাছাকাছি থাকতে পারে। আজ দিনের সর্বোচ্চ তাপমাত্রা ছিল ৩১.৩ ডিগ্রি সেলসিয়াস এবং সর্বনিম্ন ২৩.৪ ডিগ্রি সেলসিয়াস।
